

EXPEDIENTE	2024069258
ASUNTO	MODIFICACIÓN DO CADRO DE PERSOAL E DA RELACIÓN DE POSTOS DE TRABALLO
TRÁMITE	INFORME DE INTERVENCIÓN

En cumprimento do disposto nos artigos 213 e seguintes do R.D.L. 2/2004, de 5 de marzo, polo que se aproba o Texto Refundido da Lei reguladora de Facendas Locais, e no Título II do Real Decreto 424/2017, de 28 de abril, polo que se regula o réxime xurídico do control interno na Entidades Locais do Sector Público, esta Intervención informa:

LEXISLACIÓN APLICABLE

1. Artigos 213 e seguintes do Real Decreto Lexislativo 2/2004, de 5 de marzo, polo que se aproba o Texto Refundido da Lei Reguladora de Facendas Locais.
2. Lei 7/85, de 2 de abril, Reguladora das Bases de Réxime Local.
3. Lei 2/2015, do 29 de abril, pola que se aproba a Lei do Emprego público de Galicia.
4. Real Decreto 2568/86, de 28 de novembro polo que se aproba o Regulamento de Organización e Funcionamento das Entidades Locais.
5. Real Decreto Lexislativo 781/86, de 18 de abril, polo que se aproba o Texto refundido das Disposicións Legais vixentes en materia de Réxime Local.
6. Real Decreto Lexislativo 5/2015, de 30 de outubro, polo que se aproba o Texto refundido da Lei do Estatuto Básico do Empregado Público.
7. Orzamento provincial para o ano 2025.

FUNDAMENTOS XURÍDICO-ECONÓMICOS

Do expediente remitido a esta Intervención para o seu informe, cabe sinalar o seguinte:

1. Informe-proposta da deputada delegada de Turismo, de data 06/03/2025, solicitando a modificación do cadro de persoal e da relación de postos de traballo de persoal directivo, xustificando a necesidade da proposta.
2. Informe-proposta de data 17 de marzo de 2025 da xefatura do Servizo Recursos Humanos e Formación, de modificación cadro de persoal funcionario e da relación de postos de traballo de persoal directivo, con fundamento na potestade de autoorganización da Corporación Provincial, recoñecida nos artigos 4.1 e 33.2 da LRBRL e artigo 70.3 do Real Decreto 2568/86, de 28 de novembro polo que se aproba o Regulamento de Organización e Funcionamento das Entidades Locais, nas necesidades dos Servizos e na mellora da súa estrutura de organización e funcionamento, coa finalidade de levar a cabo o seguinte cambio:



- Creación dun **posto de traballo de director/a de turismo** na RPT de persoal directivo con cargo de alto cargo, clasificado no subgrupo A1, cunha retribución anual total de 68.583,71 €, sendo de adscripción indistinta, polas características específicas das funcións a desenvolver, que se concretan na dirección da área de turismo desta Institución, baixo a dependencia do/a deputado/a provincial con competencias nesta materia e con suxeición aos procedementos marcados pola Corporación e pola lexislación vixente para a realización de actuacións, que en exercicio de competencias propias ou delegadas, conleven a existencia de especial responsabilidade e competencia técnica e directiva.
3. A creación de postos de carácter directivo non é materia obxecto de negociación cos órganos de representación do persoal.
4. O informe-proposta da xefatura do Servizo Recursos Humanos e Formación está **conformado polo Secretario Provincial** con data 17 de marzo de 2025, polo que se entende que os aspectos relativos á competencia, tramitación, formación do expediente e demais aspectos xurídicos xa están analizados.
5. A proposta de modificación fiscalizada supón un incremento nos gastos de persoal para o ano 2025 de 68.583,71 € en concepto de retribucións e de 18.852,61 € en concepto de cota patronal á seguridade social, **debendo realizarse as oportunas modificacións orzamentarias para habilitar crédito suficiente para facer fronte o gasto.**

CONCLUSIÓN

Á vista da documentación que obra no expediente, coa observación mencionada, **infórmase favorablemente a modificación do cadro de persoal e da relación de postos de traballo de persoal directivo** proposta.

Asinado e datado dixitalmente á marxe.

